



Broj: 12-27-10667-6/19
Zenica, 09.09.2019.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-10667-5/19, od 05.09.2019. godine, u otvorenom postupku javne nabavke za radove broj: 1417-1-3-9/19 od 05.07.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Nabavka i postavljanje vertikalne saobraćajne signalizacije i cestovne opreme na regionalnim cestama R 445 dionica Karaulsko Polje-Kakanj-Visoko-Podlugovi i R 474 M-17-Perkovići-Noví Šeher-Tešanj-Jelah-granica Federacije” broj: 1417-1-3-9/19 od 05.07.2019. godine, ponuda ponuđača “Sacom” d.o.o Sarajevo (broj: 498/19 od 16.08.2019. godine) sa ukupno ponuđenom cijenom od 260.500,00 KM bez PDV-a izabrana je kao najpovoljnija.

II

Ponuđač “Sacom” d.o.o Sarajevo (ID broj: 4200814900006), adresa Luka bb, Ilijaš, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponude ponuđača “Buljan ceste” d.o.o. Kreševo i Dobojputevi d.d. Doboj Jug se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuju jer nisu potpune i ne ispunjavaju zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-10667/19 od 01.07.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-9-3-8/19 objavljeno je na Portalu javnih nabavki 05.07.2019. godine.

Komisija za javne nabavke imenovana rješenjem broj: 12-27-10667-2/19 od 20.08.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristigle su ukupno 4 (četiri) ponude.

U periodu od 20.08.2019. godine do 30.08.2019. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "Buljan ceste" d.o.o. Kreševo dostavljena za predmetni postupak javne nabavke broj 1417-1-3-9 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Pregledom dostavljene ponude Komisija je konstatovala da ponuđač Buljan ceste d.o.o. Kreševo nije dostavio Spisak izvršenih ugovora iz oblasti nabavke i ugradnje saobraćajne signalizacije i cestovne opreme u prethodnih 5 (pet) godina, kako je traženo tačkom 12.7. a) tenderske dokumentacije. Prema navedenim odredbama Tenderske dokumentacije "ocjena tehničke i profesionalne sposobnosti ponuđača će se izvršiti na osnovu sljedećih izjava i dokumenata koje dostave ponuđači: a) Spisak izvršenih ugovora iz oblasti nabavke i ugradnje saobraćajne signalizacije i cestovne opreme u prethodnih 5 (pet) godina (2014., 2015.,2016.,2017. i 2018.). Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora. Uz spisak izvršenih ugovora dostaviti potvrde naručioca o uspješno izvedenim radovima za dva (2) ugovora za nabavku i postavljanjem saobraćajne signalizacije i cestovne opreme od kojih svaki mora biti minimalne vrijednosti 50.000,00 KM. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim radovima iz ugovora".

U ponudi ponuđača Buljan ceste d.o.o. Kreševo dostavljene su samo tražene potvrde naručioca o uspješno izvedenim radovima, ali ne i Spisak izvršenih ugovora. Imajući u vidu navedeno, Komisija je ocijenila da se dostavljena ponuda odbacuje zbog neispunjavanja uslova iz tačke 12.7. tenderske dokumentacije.

Zbog navedenog ponuda ponuđača "Buljan ceste" d.o.o. Kreševo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača "Dobojputevi" d.d. Doboj Jug se odbacuje jer Obrazac za cijenu ponude – radovi, Prilog II tenderske dokumentacije nije tačno ispunjen. Uvidom u ponudu navedenog ponuđača, Komisija je konstatovala da isti nije pravilno popunjen, jer je ponuđač na mjesto iskazivanja popusta upisao vrijednost PDV-a, odnosno na mjesto "ukupna cijena sa popustom bez PDV-a" upisao iznos 456.623,83 KM, koji predstavlja iznos ukupne cijene sa PDV-om. Navedeno nije u skladu sa napomenom datom na obrascu za cijenu ponude na kojem je propisano da se cijena ponude iskazuje bez PDV-a.

Također, uvidom u Izjavu o ispunjenosti uslova iz člana 47.st.(1) tačke od a) do d) i (4) Zakona o javnim nabavkama BiH – Prilog IV, utvrđeno je da ista nije u skladu sa tačkom 12.5.2 tenderske dokumentacije, jer na izjavi pored potpisa odgovornog lica nema pečata ponuđača.

Zbog navedenog ponuda ponuđača Dobojputevi d.d. Doboj jug se u skladu sa članom 68. st (4) tačka i) Zakona o javnim nabavkama ("Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponude ponuđača „Sacom" d.o.o. Sarajevo i "Timing" d.o.o. Tuzla ispunjavaju postavljene uslove, te je za 04.09.2019. godine zakazano provođenje e-aukcije, sa početkom u 14:30 sati. E-aukcija je uspješno okončana te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	Sacom d.o.o. Sarajevo	260.500,00
2.	Timing d.o.o. Tuzla	261.000,00

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača " Sacom" d.o.o. Sarajevo. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za „Nabavku i postavljanje vertikalne saobraćajne signalizacije i cestovne opreme na regionalnim cestama R 445 dionica Karaulsko Polje-Kakanj-Visoko-Podlugovi i R 474 M-17-Perkovići-Novi Šeher-Tešanj-Jelah-granica Federacije". Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije
- Obrazloženje ponuđene cijene

Dostavljeno:

1 x Ponuđačima,
1 x a/a



